

posterum fuisset, vel omnino perdere turpissimum. Hæc in memoriam revoces velim dum Tomi II. partem alteram accipis. Sed quorsum (nescio quis reponit) tanta Italicarum rerum farrago, totque de uno argumento Scriptores? qui si novi semper ad priores accedant, singulisque Tomis alter accrescat, pro simplo duplum brevi opus efficietur. Ego contra id mihi votis omnibus factum velim: in eximiam namque Clarissimi Muratorii laudem cessurum non dubito quod ille ob copiam rerum vitio nunc vertit, cum posterum nihil sibi sublatum injuria temporum dolebunt. Præterea quis umquam cavillofus licet criminetur hominem, qui designatum sibi stadium valido cursu sit emensus? Auctores omnes rerum nostratum ab anno Æræ Christianæ D. ad MD. colligendos sibi præposuit Muratorius noster, cumque in dies MSS. Codices ad nos deferantur, locus etiam iis non sine injuria negandus. Quod si cuiquam de iisdem temporibus, iisdemque rebus commune pluribus ingratum fuerit argumentum, illi malè quidem sapit palatum, nec umquam novit, quæ sit in percurrendis de una re variis Historicorum scriptis utilitas ad veram exactamque notitiam enucleandam, eumque ad doctissimam ejusdem Muratorii præfationem remittimus. Hæc sanè plusquam tecum oportuerat, Erudite Lector;